

Il mas-chalch da Sent



Publicaziuns officialas. Cumpara seguond bsögn.
2009/2011
no. 42

7554 Sent, 3 gün 2011 / rz

INVID

**ad üna sairada d'orientaziun e discussiun
chi ha lö in lündeschdi ils 20 gün 2011 a las 20.00
illa chasa cumünala Misoch**

Tema: Fusiuns da cumüns

Referents:

- Georg Fallet,
Grondcusglier e manader dal proget „Fusiun in Val Müstair“
- Arno Lamprecht
Capo dal Cumün Val Müstair

Amiaivelmaing invida
Il Cussagl cumünal

Tschernas da las autoritats cumünalas 2012 - 2014

Tenor la constituziun cumünala ha nouv la cumünanza d'urna la cumpetenzza da tscherner il capo cumünal, 4 commembers dal Cussagl cumünal, 3 commembers da la Cumischiun sindicatoria e 4 commembers dal Cussagl da scoula. La procedura es la seguainta:

Pro elecziuns publichescha il Cussagl cumünal in ün mez da publicaziun official propostas per candidaturas inoltradas in scrit almain 14 dis avant l'elecziun, la quala sto gnir preannunziada almain 30 dis ouravant muossond via sülla pussibilità d'inoltrar nominaziuns.

Il Cussagl cumünal ha decis cha las tschernas a l'urna han lö als **28 avuost 2011**.

Nus giavüschain da tour cogniziun da quista nouva procedura e giavüschain da's far fingià uossa impissamaints per inoltrar candidaturas pussiblas. Las candidaturas ston esser cuntschaintas fin il plü tard pels **31 lügl 2011**.

Stadi actual:

Il Cussagl cumünal comunichescha quattras cha'l capo (temp d'uffizi limità) ed almain duos cusgliers actuals nu candideschan plü pel prossem trienni. Quists posts sun vacants. Persunas interessadas dessan far il bain e communicar quai in scrit uschè svelto sco pussibel al Cussagl cumünal.

Il Cussagl cumünal

Via da Sinestra

Causa lavurs da mantegnimaint vi da la via da Sinestra (tanter Plan da Porchs e Chavriz Pitschen) daja tanter ils 14 gün ed ils 24 gün impedimaints da trafic. Nus ingrazchain per Voss' inledda.

Il Cumün da Sent

Concert cun cor ad hoc e scolars da la 5 e 6avla classa

Il cor ad hoc da Sent cun 35 chantaduras e chantadurs e'ls scolars da la 5 e 6avla classa s'han preparats pel concert tradiziunal da prümavaira.

Data: sonda, **11 gün 2011** (20.15)

Lö: baselgia Sent

Program:

Missa Brevis in F da Joseph Haydn/Missa anima integra da Michael Aschauer (*1977)

Instrumentalists: Curdin Janett, clavazin, Flurina Sarott, già, Laura Zangger, già, Delaja Niederhäuser, viola, Cristina Janett, cello

Solistas: Sara Bigna Janett, sopran, Simone Waldhart, sopran

Dirigent: Jachen Janett

Prevendita bigliets (creschüts 15.-fr./uffants 7.-fr.): Sent Turissem (081 864 15 44)

Stafetta tras Sent (cun ustaria aint in Plaz!)

In venderdi, als **17 gün 2011** ha lö la 28avla stafetta tras Sent. Las squadras as cumpuonan da 5 participant(a)s ed in mincha squadra ston cuorrer almain üna duonna ed ün uffant. (cuosts: creschüts 7.-fr./uffants 5.-fr.)

Tragets

1. Curtin (Tinet Ruben)-Schigliana
2. Schigliana-scoula-Vidos-Davo Stron (chasa Planta)
3. Chasa Planta-Sala-La Motta-Bügliet
4. Bügliet-Curtinaglia-Plaz-Saglina-Garascha Zanetti-Curtin suot (bügl)
5. Curtin suot-Rezia-Plaz

(traget 4: difficil/traget 5: simpel)

Program: 18.45-19.30: scumpart da nomers/19.30: s-chodar aint/20.00: partenza

Annunzchas: Christian Poo (079 689 67 66) o Andri Gritti (081 864 98 66 -andri.gritti@sent-online.ch)

Club Skiunzs Sent

Giubileum 100 ons silviculturs a Sent

Als 10 gün 1911 ha cumanzà Sar Emil Bass sia plaiv sco silvicultur a Sent. El ha survaglià ils gods da Sent d'ürant 47 ons fin a l'on 1957. Sco seis successur es gnü elet sar Carl Mosca. Eir el ha pudü lavurar e cultivar d'ürant 39 ons ils gods da Sent. Il temp passa svelto ed eir eu sun fingià daspö 15 ons silvicultur a Sent. I para cha quia saja l'incumbensa da silvicultur bod uschè perdüraivla sco la cultivaziun d'ün god alpin.

No lain organisar **als 10 gün 2011** üna sairada per dar ün sguard inavo sün quists ultims 100 ons. Da la partida saran: Eduard Bass (figl dad Emil Bass), Carl Mosca e Mario Riatsch.

La sairada ha lö illa **Grotta da cultura e cumainza las 20 15.**

Il silvicultur Mario Riatsch

Retscherchas dendrocronologicas

In connex cun ün s-chav da fabrica a Palüzot s'haja scuvert differents bös-chs. Il cumün ha laschà analisar a l'ETH l'età dals bös-chs scuverts. Il rapport muossa ch'ün larsch es ca. 10'000 ons vegl e cun quai ün dals plü vegls bös-chs chattats ed analisats in Svizra. Ün toc dal bös-ch es miss oura in üna vaidrina sül 2nd plan illa chasa cumünala.

Il Cussagl cumünal

Film - Wiesen in den Bergen (Prada in muntogna)

Il film „Wiesen in den Bergen“, (Prada in muntogna) es gnü fat dal on 1986 e muossa Sent cun sia vegetaziun e seis cuntorn. El es gnü elavurà e restaurà d'ün büro specialisà e davopro registrà sün DVD. Il film d'ura ca. 50 minuts e po gnir retrat sün büro cumünal o pro Sent Turissem. Predsch fr. 30.--.

Administraziun cumünala

Giantar cumünaivel dal gün 2011

Als 8 gün 2011 giaina a giantar in Val Sinestra. Nus ans radunain a las 11.30 aint in Plaz. Il transport es organisà. Annunzchar pro Erica Clalüna, tel. 081 864 07 59. Sperond sün üna gronda cumparsa As salüda

il consistori da Sent

Invid a la radunanza generala da Sent Turissem

Stimadas commembras, stimats commembers

Darcheu es passà ün on da gestiun e no lain invidar a nossa radunanza generala. Quella ha lö:

mardi, 21 gün 2011, 20.15h in chasa cumünala Misoc

Tractandas:

1. Salüd dal president
2. Elecziun dals scrutinadurs
3. Protocol da la radunanza generala 2010
4. Rapport annual dal president
5. Spiegaziun dal quint 2010
6. Rapport dals revisuors
7. Approvaziun dal quint 2010, dis-charg suprastanza
8. Tschernas
9. Infuormaziuns program da stà
10. Varia

Il rendaquint po gnir retrat a partir dals 14 gün sün büro da Sent Turissem.

Davo la radunanza vain servi ün aperitiv. No vessan grond plaschair, da pudair salüdar a blers/as commembers/as

Sent Turissem

Da fittar

in Archas Sura a partir dals 1. october 2011 o tenor cunvegna **abitaziun da 3 stanzas** (cun piazzas da parcar). Scha pussibel ad indigens. Lö sulagliv cun bella vista. Interessents as dessan volver p.pl. a: Famiglia Janett-Peer, Buchs SG, tel. 081 756 38 52 o Sent 081 864 84 37.

Famiglia Janett-Peer

Da fittar a Sent, Surataglia.

Fich bella e sulagлива abitaziun da 2 ½ stanzas cun lobia e üert a partir dals 1. october 2011 o tenor cunvegna. Fit CHF 1'210.00 per mais (excl.cuosts secundaris). Interessents pon s'annunzchar pro Lischana Fiduziari SA, dna H. Schlegel, Chasa Sotvi, 7550 Scuol, Tel. 081 861 00 40 o e-mail: info@lischana-scuol.ch.

Lischana Fiduziari SA



INTERNATIONALES JAHR
DER WÄLDER • 2011


Di da God a Sur En sonda ils 11 da gün 2011

l'rom da l'eivna da god a Sur En spordschaina eir ün di per tuot la populaziun.



L'on 2011 es l'on internaziunal dals gods ed implü es l'utschè da quist on il pichalain nair. Duos temas da bellezza per spordscher a pitschen e grond ün'attività interessanta.

I nu voul be bos-cha per ch'ün god sia god! Co esa pussibel cha our d'ün semin da pacs millimeters daja ün bös-chun enorm?



Chi vezza la sulvaschina aint il god, o almain lur stizis? Perchè nu vain il pichalain stuorn cun cloccar talmaing vi da la bos-cha e chi viva tuot in seis cuvels? Vaivat eir vo tanta forza e tant indschign sco'l pichalain nair? Provai sves!



löö d'inscunter: **Sur En** da Sent (fermativa da la posta in cumün pro'l bügl)?

cura: a las **10:00** ed a las **14:00** (l'urari es adattà a l'urari dals mezs publics)

per chi: per **tuots** quels chi s'interessan pel god o han buonder, per pitschen e grond → sainza s'annunzchar

dürada: il percuors düra ca 2 uras



custodi: l'excursiun süls 4 posts vain manada dad ün indschegner forestal regional ed ils singuls posts vegnan custodits da guardgiasulvaschinas, da collavuratur e collavuraturas dal servezzan forestal, dal Parc Naziunal Svizzer e da la Pro Terra Engiadina

ulteriuras infuormaziuns:

Mario Riatsch, silvicultur :079/413 05 66



SERVEZZAN FORESTAL
ENGIADINA BASSA
VAL MÜSTAIR



parc
naziunal
svizzer



Amt für Wald Graubünden
Uffizi forestel dal Grischun
Ufficio forestale die Grigioni



Amt für Jagd und Fischerei Graubünden
Uffizi da chatscha e pestga dal Grischun
Ufficio per la caccia e la pesca die Grigioni